

ՄԵՂԵԴԻ ՎԱՐԴԱՎԱՌԻ

(ԳԵԱՐ ՆԱԽՆԵԱՑ)



Գանձ լուսոյ գերագոյն գերապայծառ ծաղիկ ծագեալ այսաւր 'ի Թաւաւր լերինն, զնախաստեղծին ըզփառան և զմիւսանգամ գալըստեանն զխորհուրդն յայտնեցեր աշակերտաց քոց Տէր. իսկ 'ի բարձանց խաւսէին Մովսէս և Եղիա զելիցն կատարել քեզ յերուսաղեմ. փառք գալըստեան քո Տէր:

Աստանաւր վարդ վառեալ փրթեալ 'ի դիրկս Հաւր՝ բոցատերև ոսկիածոյլ փայլմամբ. իսկ 'ի բարձանց՝ 'ի հովանաւոր և 'ի լուսեղէն ամպոյն վկայեալ ձայնիւ գգուեցար 'ի հրաբուն շրթանցն ճշմարիտ սիրելի Որդի. փառք՝:

Իսկ պետրոսեանցն պակուցեալ յահէն, 'ի հրաբորբոք ճառագայթից սոս.

կալի լուսոյն, աղաղակէր առաքելոցն դասապետն, արասցուք երիս տաղաւարս Տեառն և Մովսէսի և Եղիայի. զխորհուրթեանն գաւանելով գոչէր զխորհուրդ. փառք՝:

Ուրախ լերնորատունկ բուրաստան, անթառամ ծաղիկ, մարգարտատեսիլ և ծիրանազգեաց նոյս, զի այսաւր որդին քո ճոխացեալ զհայրական իշխանութեան փայլեաց զփառս. նմա սպասէ Եղիա Մովսէսիւ, յանուն նորացնձան Թաւաւր և Հերմոն:

Արդ աղաշեմք զքեզ Տիրամայր Մարիամ, բարեխաւսեա Քրիստոսի Աստուծոյ մերոյ, զի արժանի արասցէ զմեզ 'ի վերջին աւուրն հանդիպիլ նմա յաւդս լուսեղէն ամպով, որ աւրհնեալ եւ յաւիտեանս. Ամէն:

ՏԱՂ ՎԱՐԴԱՎԱՌԻ



Նոր իմն աւետիք նորաշաւիղ խորհուրդ յայտնեալ,
Նոր ծաղիկ ցուցաւ, ծառք նորատունկ բուրաստանաց,
Նոր վարդ վառելով բոցատերև յԱդին դրախտին,
Նոր կենացածին կենդանատիպ պըտուղ բերեալ:
Այն ծառոյն տերև լայնասաղարթ պարտեաց պատճառ,
Աստ երկրագործին ծառ հայրենի տընկինագործ:
Ճուղ ճախարակագոյն՝ ճըղեր ունի ծայր զերկնիւք՝
Առեալ վերամբարձ նըման 'ի լեռուն 'ի Թաւաւր:
Եկայք իմ սիրելիք, խընդիր՝ զՀայր տեսանելով,
Որում ցանգայիք աւուրն եհաս 'ի կատարումն:
Տեսէք և ուրախ լերուք, զի Հայր յամպոյն ձայնէր,
Երևեալ 'ի Թաւաւր, մեզ աւետիս մատուցանէր:
Կամիս զկարծիս բառնալ՝ թէ սա է մարգարէն,

Սա և Եղիայ կամ Մովսիսի նըմանակից,
 Կերպիւրն նըման և հրաշալի Հաւր փառակից,
 Փայլակնատարած շաւիղ և լոյս վերարփենի:
 Արփի նա ծագման տեսիլ ծագումն անծանաւթի,
 Զայն զայն ծանաւթի լըւեալ թէ դա է իմ Որդի,
 Յերեսս 'ի վայր անգեալ աղաղակէր, աւգնեա Յիսուս.
 Նոր տեսիլ տեսաք, նորանորոգ և հրաշալի:
 Մի' երկեղածիք, եղբարք, ես եմ Տէր Յիսուս,
 Տէր մարգարէիցն որ պատմեցին զայս ասելով,
 Եղիայ' 'ի վեր առեալ զմաշկեակն վերամբարձ ըզթիկամբն,
 Զայն տեսանելով ծանուցանէր սուրբն Հեղիաս.
 Միշտ արթունագնաց գետոց ընդ ուսըս բաժանեալ,
 Նըման Մովսէսի է դա և տէրդ Եղիայի:
 Պետրոս զարհուրեալ կազմէր երբեակըս տաղաւար.
 Զայն աղերսալի աւնէր. Տէր, եթէ կամիս:
 Եկեալ հարցանեն ըզխորհուրդն դապ առաքելոցն.
 Զի՞նչ իցէ համբաւըս. պատմեցէք մեզ մարգարէք,
 Ի խաչ բարձրանալ կամի և անդ պըտղաբերել.
 Իրաղիկ ցուցանել կամի 'ի լեառն Գողգոթայ:
 Քաջ պատուէր առեալ 'ի Տեառնէ սուրբ առաքելոցն,
 Մի' ումեք յայտնէք զտեսիլդ. զի չի է ժամանակ.
 Մինչ ես 'ի մեռելոց յառնեմ ըզձեզ կենազործեմ:
 Կենացունարեւր քարոզ ընդ ձեզ եմ յաւիտեան,
 Քրիստոսի փրկչին միշտ վայել է փառք և պատիւ,
 Ընդ Հաւր և Հոգւոյն. այժմ յաւիտեանս յաւիտենից:

